

四

部

備

要

中華書局輯刊

四部備要

第七九冊

中華書局
中國書店
影印

本書據中華書局1936年版影印

四部備要

(第七九冊)

中華書局編

*

中華書局出版

(北京王府井大街36號)

中華書局影印發行

中國書店

國防科工委印刷廠印刷

*

787×1092毫米 1/16 79 印張

1989年3月第1版 1989年3月北京第一次印刷

印數 0001—500 冊

(81)

劍南詩藁

四部備要

集部

上海中華書局據汲古閣

本校刊

桐鄉

陸費達總勘

杭縣

高時顯輯校

杭縣

吳汝霖監造

版權所有不許翻印

前輩有欲補詩史一字之闕終莫適其
當者夫發言寓意未必惟一字之工或
者窮思畢慮之弗逮人才相去乃爾遠
耶

太守山陰陸先生劍南之作傳天下眉
山蘇君林收拾尤富適官屬邑欲錄本
爲此邦盛事迺以纂次屬師尹亦旣斂
衽肅觀則浩渺閱肆莫測津涯掩卷太
息者久之獨念吾儕日從事 先生之
門間有疑闕自公餘可以從容質正幸
來者見斯文大全用是不敢辭劍南詩
稿六百九十四首續稿三百七十七首
蘇君於集外得一千四百五十三首凡
二千五百二十四首又□七首釐爲□
十卷總曰劍南因其舊也文字傳襲失
真類不滿意其如此書得之所見有

以傳信而無疑若夫發乎情性充乎天
地見乎事業忠憤感激憂思深遠一念
不忘

君 先生之志且有當世巨公爲之發
揮非師尹敢任淳熙十有四年臘月幾
望門人迪功郎監嚴州在城都稅務括
蒼鄭師尹謹書

宋板翻雕

劍南詩稿目錄

卷第一

別曾學士 送仲高兄官學秩滿赴行在 題
閨郎中溧水東臯園亭 和陳魯山十詩以孟
夏草木長遶屋樹扶疎爲韻十首 看梅絕句
五首 春晚簡陳魯山 寄酬曾學士學宛陵
先生體比得書云所寓廣教僧舍有陸子泉每
對之輒奉懷 夜讀兵書 二月二十四日作
送曾學士赴行在 霽夜觀月 新夏感事
留題雲門草堂 送韓梓秀才十八韻 送
陳德邵宮教赴行在二十韻 朱子雲園中觀
花 酬妙湛閣梨見贈妙湛能棋其師璘公蓋
嘗與先君遊云 次韻魯山新居絕句二首 寄
陳魯山二首 戲題江心寺僧房壁 泛瑞安
江風濤貼然 平陽驛舍梅花 渡浮橋至南
臺 出縣 還縣 雨晴遊洞宮山天慶觀坐
間復雨 寄陳魯山正字 航海 海中醉題
時雷雨初霽天水相接也 溪行二首 自來
福州詩酒殆廢北歸始稍稍復飲至永嘉括蒼
無日不醉詩亦屢作此事不可不記也 東陽
道中 東陽觀醮醺 送李德遠寺丞奉祠歸
臨川 送王嘉叟編修出佐南昌 送王龜齡
著作赴會稽大宗丞二首 送杜起莘殿院出
守遂寧 和曾待制遊兩山三首 雨中出遊
夜歸 謝李平叔郎中問疾 聞武均州報已
復西京 喜小兒輩到行在 病起寄曾原伯
兄弟 送湯岐公鎮會稽 周洪道學士許折
贈館中海棠以詩督之 送七兄赴揚州帥幕
閏二月二十日遊西湖 劉太尉挽歌辭二
首 過林黃中食柑子有感學宛陵先生體
玉牒所迎駕望見周洪道舍人 送梁諫議
以石芥送劉韶美禮部劉比釀酒勳甚因以爲

歲二首 出都 會原伯屢勸居城中而僕方
欲自梅山入雲門今日病酒偶得長句奉寄
村居 看山 夏夜泛舟書所見 秋陰 盆
池 比從人覓酒皆酸薄戲作此詩 買魚二
首 秋雨 晨起偶題 悲秋 寄張真父舍
人二首 幽居 法寶璉師求竹軒詩 欲遊
五峯不果往小詩寄瑩老 謝王彥光提刑見
訪并送茶 送查元章赴夔州 道遙 病中
簡仲彌性唐克明蘇訓直 送王景文 送呂
彥升參謀 无咎兄郡齋燕集有詩末章見及
敬次元韻 次韻无咎別後見寄 晚泊慈姥
磯下二首 七月十四夜觀月 夜宿陽山磯
將曉大雨北風甚勁俄傾行三百餘里遂抵雁
翅浦 望江道中 秋夜讀書每以二鼓盡爲
節 住在都下時與鄒德章兵部同居百官宅
無日不相從僕來佐豫章而德章亦謫高安感
事述懷作歌奉寄 寄答綿州楊齊伯左司
送全州趙都曹 病中作 夜夢從數客雨中
載酒出遊山川城闕極雄麗云長安也因與客
馬上分韻作詩得遊字 去年余佐京口遇王
嘉叟從張魏公督師過焉魏公道免相嘉叟亦
出守莆陽近辱書報魏公已葬衡山感數不已
因用所遺柱頰亭詩韻奉寄 自詠示客 醉
中歌 寄陶茂安監丞 燒香 寒食臨川道
中 上巳臨川道中 寄別李德遠二首 初
夏道中 示兒子 重五同尹少稷觀江中競
渡 過玉山辱芮國器檢詳留語甚勤因寄此
詩兼呈韓无咎右司 隨意 寄龔實之正言
遊山西村 觀村童戲溪上 雨霽出遊書
事 殘春 家園小酌二首 寄王嘉叟吏部
懷 夜讀隱書有感 上虞逆旅見舊題歲月感
懷 舜廟懷古 題十八學士圖 統分稻晚

歸二首 衰病二首 霜風 小酌 十月苦
蠅二首 丫頭巖見周洪道以進士入都日題
字 獨學 霜月 寄黃龍升老 贈進賢劉
令 書室名可齋或問其義作此告之 寄謝
楊齊伯少卿

劍南詩稿卷第一

宋陸游務觀

別曾學士

兒時聞公名謂在千載前稍長誦公文雜之韓杜編
夜輒夢見公皎若月在天起坐三數息欲見亡繇緣
忽聞高軒過雖喜忘食眠袖書拜轡下此意私自憐
道若九達衢小智妄鑿穿所願瞻德容頑固或少痊
公不謂狂疎屈體與周旋騎氣動原隰霜日明山川
匏繫不得從瞻望抱恨惜畫石或十日刻楮有三年
賤貧未即死聞道期華顛他時得公心敢不知所傳
送仲高兄宮學秩滿赴行在
兄去游東閣才堪直北扉莫憂持粟晚姑託乞身歸
道義無今古功名有是非臨分出苦語不敢計從違
題閬即中漂水東臯園亭

省中地禁清畫長侍史深注薰籠香榮名挽公公不
住東臯歸去栽花忙旣旣華髮映朱絛同舍半已排
雲翺正如少陵入嚴幕本自不用尚書郎向令封侯
佩金印不然草詔直玉堂萬鍾會作夢幻過三徑空
嘆松菊荒樂天十年履道宅贊皇一夕平泉莊公看
富貴定何物一笑乃復坐此坊東臯樂哉日成趣舊
花起舞當自強知公能容賤子狂請賦式微之二章
和陳魯山十詩以孟夏草木長遶屋樹扶疎爲韻

言語日益工風節顧弗競杞柳爲栢棧此豈真物性
病夫背俗馳梁甫時一詠奈何七尺軀貴賤視趙孟
又

唐虞亦人耳四海可高謝哀哉斗升故詔妄兩憑架
心明物自賓能整故能暇會當棄人事面壁度九夏
又
大父昔在朝騰上唯恐早淡然清班中灰寒而木槁

議論主中和人才進耆老至天下馬墳不生刺人草

又
櫻酪事已過角黍配夏熟尚憶少小時綵繡繁腕玉
此生本幻戲衰態轉眼足三郎老無慘始解數絲木

又
門無容車高庭止旋馬廣富貴固易耳正恐卿慚長
時情競脂韋家法獨飭儉靜處看紛紛枯樸勞類仰

又
至人貴其身不使事物遶捐身易富貴明珠彈飛鳥
我願稱善人題作墓上表從來尺鷃樂不羨飛鴻矯

又
匆匆過三十夢境日已變誰知數亡羊但有喜得鹿
本來作何面認此逆旅屋逢人吹布毛出世不忍獨

又
杜門殊省事百巧輸一粗燒香淨掃地袖手了朝莫
君看瓦掘手端自勝金注塵機早見貸不待雞竿樹

又
萬物備於我本來無欠餘竊儒可憐生西抹復東塗
斯文如大廈傾壞要力扶犬子真鼠輩辛苦賣子虛

又
風花憐寂寞莫起舞爲我娛舉酒謝風花吾道殊不疎
汝開何自有汝落何自無居然會此理吾汝皆如如

看梅絕句
梅花宜寒更宜陰摩挲拄杖過溪尋幽香著人索管
領不信如今鐵石心

又
梅花樹下黃茆丘古人尚能愛花不月淡煙深聽牧
笛死生常事不須愁

又
荒陂十畝浴鳬鴨折葦枯蒲寒意深何處得船滿載
酒醉時繫著古梅林

一物不向臂次橫醉中談話坐中傾梅花有情應記
得可惜如今白髮生

又

老子舞時不須拍梅花亂插烏巾香尊前作劇莫相

笑我死諸君思此狂

春晚簡陳魯山

春工我輩人可許不待面欲老更增奇原野紅綠遍
向來苦摧傷零雨雜飛霰豈知袖此手天定乃徐見
吾肅萬花間輕衫稱團扇飛花點書冊戲蝶遊几研
吾衰未忘情小句亦情綢持問陳元龍試乞語一轉

寄酬曾學士學宛陵先生體比得書云所寓廣
教僧舍有陸子泉每對之輒奉懷

庭中下乾闥門外傳遺書小印紅屈蟠兩端黃蠟塗
開城展矮紙滑細疑卵膚首言勞良苦後問逮妻孥
中間勉以仕語意極動渠字如老瘠竹墨淡行疎疎
詩如古鼎篆可愛不可摹快讀醒人意垢瘳逢肥梳
細讀味益長矣戲出膏腴行吟坐臥看廢食至日哺
想見落筆時萬象聽指呼亦知題詩處綠井石髮麤
公閑計有客煎茶置風爐倘公無客時濯纓亦足娛
井名本季疵思人理豈無居然及賤子媿謝恩意殊
幾時得從公舊學鋤荒蕪古文講聲形誤字辨魯魚
時時酌井泉露芽奉瓢盂不知公許否因風報何如

夜讀兵書

孤燈耿霜夕窮山讀兵書平生萬里心執戈王前驅
戰死士所有恥復守妻孥成功亦邂逅逆料政自疎
跋澤號飢鴻歲月欺貧儒歎息鏡中面安得長膚腴

二月二十四日作

棠梨花開社酒濃南村北村鼓擊鼙且祈麥熟得飽
餘敢說穀賤復傷農崖州萬里貳臨吏湖南幾時起
臥龍但願諸賢集廟廟書生窮死勝侯封

送曾學士赴行在

二月侍燕觴紅杏寒未拆四月送入都杏子已可摘

流年不貸人俯仰遂成昔事賢要及時感此我心惻
欲書加餐字寄之西飛翮念公爲民起我得怨乖隔
搖搖跋前疐後去去望車輓亭郭鬱鬱暮落日澹波澤
敢忘國士風涕泣效臧獲敬輸千一慮或取二三策
公歸對廷英清問方側席民瘼公所知願言寫肝膈
向來酷吏橫至今有遺孽纖羅士破膽白著民碎魄
詔書已屢下宿蠹或未革期公作醫和湯劑窮絡脈
士生恨不用得位忍辭責併乞謝諸賢努力光竹帛

霽夜觀月

雲重真愁無散時可憐不奈一風吹清輝如此那休
得誰誤虛空作許癡

新夏感事

百花過盡綠陰成漠漠爐香睡晚晴病起兼旬疎把
酒山深四月始聞鶯近傳下詔通言路已卜餘年見
太平聖主不忘初政美小儒唯有涕縱橫

留題雲門州堂

小住初爲旬月期二年留滯未應非尋碑野寺雲生
屨送客溪橋雪滿衣親滌硯池餘墨漬臥看爐面散
煙霏他年遊宦應無此早買漁蓑未老歸

送韓梓秀才十八韻

束髮走場屋始得從君遊燈火都城夜風雨湖上秋
追隨不隔日巖壑窮探搜摩挲石屋背搖兀闌門舟
酒酣耳頰熱意氣蓋九州夜臥相踴語狂笑雜嘲諷
但恐富貴逼肯懷貧賤憂人事信難料百戰竟不侯
我老農圃間君落天南陬相逢會稽市感數歲月道
君從上都來倘逢舊朋傳我窮本天命於人寧有求
但念侯君房不知尚癡不君聞拊手笑怪我狂未瘳
共談平生舊只欲苦死留如何忽決去病瘡送無由
秋風墜桐葉新霜犯貂裘君聽馬蹄聲中有千里愁
送陳德邵宮教赴行在二十韻

相從何必早白頭或如新登門雖尚疎數面自成親
昨者始見公凜然類如銀敗席留黃若寒廡無雜質

平生事賢意寸心渴生塵樂哉得所從貧病忘吟呻
恭惟大雅姿信是邦國珍廣文舊官長二紀轉鴻鈞
恩仇快報復福福出笑彈同舍事容悅腰佩玉麒麟
羣諛更得志後來如積薪於時公煥如位屈道則伸
法宮親決事收召極海濱人才方難吝公仕益凌巡
欲以貴祝公公豈慕要津欲以窮託公公豈私賤貧
頗欲述古誼勸公勿愛身此又公所存豈待賤子陳
高輿泊江渚歲晚風雨頻願言添衣裘寒陰能薄人

朱子雲園中觀花

我鬢忽已白君顏非復朱花前一盃酒不樂復何如
莫看枝上花已覺不如早富貴當及時吾輩奈何老
我歌君起舞舞竟日爲君留安知花無情不解替人愁
長安二三月花滿上林中祝君早得意歸聽聽璫璫
酬妙湛閣梨見贈妙湛能棋其師璫公蓋嘗與

先君遊云

昔侍先君故里時僧中最喜老璫師高標無復鄉人
識妙寄惟應弟子知山店煎茶留小語寺橋看雨待
幽期可人不但詩超絕玉子紋枰又一奇

次韻魯山新居絕句

求得軒車心愧天不如窮死却陶然君曾布衣尚可
活那有日興須萬錢

又

短牆缺處插疎籬巷劣容車堂對陂天下有公殊可
賀坐中著我不妨奇

寄陳魯山陳時調官都下

諸公貴人識面稀胸中璀璨漫珠璣卽今舉手遽西
日應有沈塵化素衣舊學極知難少貶吾儕持此欲
安歸夜來風雨空堂靜忽憶燈前語入微

又

天下無虞國論深書生端合老山林平生力學所得
處政要如今不動心舊友幾年猶短褐請官萬里少
來音願公思此寬羈旅靜勝炎曠豈易侵

戲題江心寺僧房壁

史君千騎駐霜天主簿孤舟冷不眠也與史君同快
意臥聽鼓角大江邊是夕新禾嘉守亦宿此寺
泛瑞安江風濤貼然

俯仰兩青空舟行明鏡中蓬萊定不遠正要一颿風

平陽驛舍梅花

江路輕陰未成雨梅花欲過半沾泥遠來不負東皇
意一絕清詩手自題

度浮橋至南臺

客中多病廢登臨聞說南臺試一尋九軌徐行怒濤
上千艘橫繫大江心寺樓鐘鼓催昏曉墟落雲煙自
古今白髮未除豪氣在醉吹橫笛坐榕陰

出縣

囟囟薄領不堪論出宿聊寬久客魂稻壠牛行泥活
活野塘橋壞雨昏昏權維護藥纔通徑竹覓分泉自
遍村歸計未成留亦好愁腸不用遶吳門

還縣

霽色清和日已長綸巾蕭散意差強飛飛鷗鷺陂塘
綠鬱鬱桑麻風露香南陌東村初過社輕裝小隊似
還鄉哦詩忘却登車去枉是人言作吏忙

雨曉遊洞宮山天慶觀坐間復雨

近水松篁鎖翠微洞天宮殿對清暉快晴似爲醺醺
計急雨還妨燕子飛道士晝閑丹竈冷山童曉出藥
苗肥拂床不用勤留客我因文書自怕歸

寄陳魯山正字

平生交遊中陳子我所敬初猶似豪舉晚乃抱淵靜
獨觀心地初皎若虛室鏡人知自渠事道行君有命
青衫二十年老色上鬢鬢偶然預收召瘦馬趁朝請
退食輒杜門不省求捷徑似聞石渠書雖黃久未定
丁字猶恨曲朋字竟須正願君試思之魚魯何足訂

航海

我不如列子神遊御天風尚應似安石悠然雲海中

臥看十幅蒲彎彎若張弓潮來湧銀山忽復磨青銅
飢腸掠船舷大魚舞虛空沈落何足道豪氣蕩肺腑
歌罷海動色詩成天改容行矣跨鵬背弭節蓬萊宮
海中醉題時雷雨初霽天水相接也

編蓬那復恨奇觀有南溟浪蹴半空白天浮無盡青
吐舌交日月傾洞戰雷霹醉後吹橫笛魚龍亦出聽

溪行

篷窗鳴春雨帆蒲掛莫煙買魚尋近市覓火就隣船
愁臥醒還醉難行却復前長年殊可念力盡連風牽
又

冒雨牽何急爭風力不餘逢人問虛市計日買薪蔬
煙寺高橋出山舍一老鋤枕書醒醉裏短髮不曾梳
自來福州詩酒殆廢北歸始稍稍復飲至永嘉
括蒼無日不醉詩亦屢作此事不可不記也

尊酒如江綠春愁抵草長但令閑一日便擬醉千場
柳弱風禁絮花殘雨漬香客遊還役役心賞竟茫茫

東陽道中

風軟烏帽送輕寒雨點春衫作碎斑小吏知人當著
句先安筆硯對溪山

東陽觀醮醺

福州正月把離杯已見醺醺壓架開吳地春寒花漸
晚北歸一路摘香來

送李德遠寺丞奉祠歸臨川

送騎擁東城煙帆如鳥輕道行端有命身隱更須名
肝食煩明主胡沙暗舊京臨分一襟淚不獨爲交情

送王嘉叟編修出佐南昌

玉殿求衣早鸞臺退食遲君看多故日寧是棄言時
小作南州計方觀急詔追歸來上霄漢莫遺此心移

送王龜齡著作赴會稽大宗丞

有越踰千載何人不宦遊向來惟一范真足壯吾州
高躅今誰繼先生獨再留登堂吊興廢想像氣橫秋
又

大將上兵符軍容備掃除恭惟陛下聖方采直臣書
忽報分司去還尋入幕初宗藩雖舊識莫遣得親疎

送杜起莘殿院出守遂寧

羽檄聯翩晝夜馳臣憂顧不在邊陲軍容地密寧當
議陛下恩深不忍欺白簡萬言幾慟哭青編一傳可
前知平生所學今無負未數還鄉兩鬢絲

和曾待制遊兩山

翰林碑立崔嵬上待制詩題香閣間人天八萬四千
塔便合推爲第一山

右題育王山明月堂

疎鐘迎客到溪亭碧瓦朱欄相照明想得松陰排萬
納籃輿放處恰詩成

右題天童山宿鸞亭

攀石捫蘿到更幽玲瓏咫尺嬾窮搜旁人不曾當時
意爲欠門生作伴遊

右題天童山更幽亭且以未到玲瓏爲恨

雨中出遊夜歸

小雨南山路今朝思出遊難從子規請寧遺竹雞憂
野店寒鏡柿煙津晚喚舟歸來對燈火未恨溼衣裘
謝李平叔郎中問疾

聞武均州報已復西京

吏部朝回早幽人病始蘇過門迂問訊軟枕聽傳呼
緣瘦重裁帽因衰學染鬚投詩發公笑試想此形模

白髮將軍亦壯哉西京昨夜捷書來胡兒敢作千年

計天意寧知一日回列聖仁恩深雨露中興赦令疾
風雷懸知寒食朝陵使驛路梨花處處開

喜小兒輩到行在

阿綱學書蜩滿幅阿繪學語鸞鳴木截竹作馬走不
休小車駕羊聲陸續書窗流壁誰忍噴嗔呼也復可
憐人却思胡馬飲江水敢道春風無戰塵傳聞賊棄

兩京走列城爭爲朝廷守從今父子見太平花前飲
水勿飲酒

病起寄會原伯兄弟

意象殊非昨筋骸劣自持衰如霜後木愁抵盎中絲
風雪書來少江山夢到遲出門還惘惘倚杖獨移時
送湯岐公鎮會稽

吳越東西州浙江限其中黃旗高十丈大舟凌虛空
都人送留守郡吏迎相公江心波濤壯帳下鼓角雄
樂哉公何憾廷論則未同永懷前年秋羣胡方嘯兇
閣左發薊北戈船滿山東舊盟願未解誰敢嬰其鋒
公時立殿上措置極雍容南荒竄驕將京口起元戎
舊勳與宿貴屏氣聽指蹤規模一朝定強虜終歸窮
當時謂易耳未見回天功及今始大服咨嗟到兒童
天心佑社稷主聖肖祖宗旌節早來朝笑談折遐衝
周洪道學士許折贈館中海棠以詩督之
媚媚柔絲不自持更禁日炙與風吹仙家見慣渾閑
事乞與人間看一枝

送七兄赴揚州帥幕

初報邊烽照石頭旋聞胡馬集瓜州諸公誰聽芻蕘
策吾輩空懷嘆故憂急雪打窗心共碎危樓望遠涕
俱流豈知今日淮南路亂絮飛花送客舟
閏二月二十日遊西湖

西湖二月遊人稠鮮車快馬巷無留梨園樂工教坊
優絲竹悲激雜清謳追逐下上莫始休外雖狂醒樂
則不豈如吾曹淡相求酒肴取具非預謀青梅苦筍
助獻酬意象簡樸足鎮浮尚慚一官自拘囚未免正
馬從兩關南山老翁亦出遊百錢自挂竹杖頭
劉太尉挽歌辭

又

羌胡志覆育師旅備非常南服更旄節中軍鑄印章
馳書諭燕趙開府冠侯王赫赫今何在門庭冷似霜
堅壁臨江日人疑制敵疎安知百萬虜銳盡浹旬餘
智出常情表功如定計初云何媚公者不置篋中書
過林黃中食柑子有感學宛陵先生體

博士得黃柑甚愛不忍持獻太夫人遠附海上船
故山饒氣霧可使酒盃窄豈無荔枝好饜飫恐不摘
相去三千里無異娛旁側乃知母子意更遠未嘗隔
我昨往見君從容弄書冊藥分臘劑香茶泛春芽白
主意顧未厭筐篋自搜索敢謂甘旨餘亦及此下客
霜包纔三四氣可壓千百重是慈孝物不敢吐其核
甘寒雖遠齒悲感已橫臆半生無歡娛初不為涇阨
玉牒所迎驚望見周洪道舍人

送梁諫議

自卜河橋宅清談喜屢陪今年見騰蹕不恨老氣埃
曉放宮門鑰霜影聲路槐班回獨小立為待繡轡來
湖海還朝白髮生願隨年少事聲名極知憂國人誰
及細看無心語自平歸訪鄉人忘位重乍辭言責覺
身輕盤與避暑雲門寺應過幽居聽水聲游有菴居在
雲門流泉遠屋疎簾舊所愛賞

戲

以石芥送劉韶美禮部劉比釀酒勁甚因以為
古人重改陽城驛吾輩欣聞石芥名風味可人終骨
便尊前真見魯諸生

又

長安官酒甜如蜜風月雖佳頗舉觴持送盤蔬還會
否與公新釀闢端方

出都

重入修門甫歲餘又攜琴劍返江湖乾坤浩浩何由
報犬馬區區正自愚緣熟且為蓮社客伴來喜對州
堂圖西廂屋了吾真足高枕看雲一事無

曾原伯屢勸居城中而僕方欲自梅山入雲門
今日病酒偶得長句奉寄

借得僧房似釣船兼旬散髮醉江天酒能作病真如
此窮乃工詩却未然閑似白鷗雖自許健如黃犢已
無緣秋高更欲移家去先葺雲門屋數椽
村居

富貴功名不擬論，且浮艇艇寄煙村。生憎快馬隨鞭影，寧作癡人記劍痕。樵牧相諍欲爭席，比鄰漸熟約論婚。晨春夜續吾家舊，正要遺風付子孫。

看山

小葺茆茨紫翠間，今年偷得半年閑。門前木落須霜曉，且看西南一角山。

夏夜泛舟書所見

山房猶復畏炎蒸，長掩柴門魏老僧。兩槳去搖東浦月，一龕回望上方燈。驚飛宿鳥時呼侶，騰起長魚有脫罾。夜半歸來步松影，真成赤脚踏層冰。

秋陰

陂澤秋容淡，郊原曉氣清。雨來鳩有語，社近燕無情。拄杖扶腰痛，漁舟照眼明。苦吟緣病輟，隨意或詩成。

盆池

門外江濤湧雪堆，埋盆作沼亦何哉。兒曹不解渠翁意，新脫風波峻處來。

比從人覓酒，皆酸薄戲作此詩。

酒盡聊憑折簡求，不知人要博涼州。牆隅棄置空三數，露下螢飛奈此秋。

買魚

臥沙細肋何由得，出水纖鱗却易求。一夏與僧同粥飯，朝來破戒醉新秋。

又

兩京春蔘論斤賣，江上鱸魚不直錢。斫脍擣齋香滿屋，雨窗喚起醉中眠。

秋雨

漫道秋來雨，那無一日晴。只供高枕臥，不放小窗明。書冊頻開闔，山瓢任濁清。長年諳世味，不是故逃名。

晨起偶題

城遠不聞長短更，上方鐘鼓自分明。幽居不負秋來睡，末路偏諳世上情。大事豈堪重破壞，窮人難與共功名。風爐歛鉢生涯在，且試新寒芋糲羹。

悲秋

煙艸凄迷八月秋，荒村絡緯戒衣裘。道人太欠修行力，平地閑生爾許愁。

寄張真父舍人

諸公方袞袞，衰無地著斯人。萬里夔州守，中朝禁省臣。孤帆秋上峽，五馬曉班春。想見懷明主，登臨白髮新。

又

天上紫微省，巒花繞直廬。逢時身鼎貴，憂國鬢先疎。顛顛元當棄，牽聯也得書。猶能下榻否，擬卜漢西居。

幽居

翳翳桑麻巷，幽幽水竹居。紉縫一獠婢，樵汲兩蠻奴。雨挾清砧急，籬懸野蔓枯。鄰村有鬻子，吾敢數空無。

法寶禪師求竹軒詩

南軒竹色映谿光，不減吾州五月涼。猶恨秋來鷗鷺少，須君更爲築橫塘。

欲遊五峯不果，往小詩寄瑩老。

東來恨不見湯休，千首清詩儻許求。要與茶山燈下讀，莫令侍者作蠅頭。茶山人謂曾待制。

謝王彥光提刑見訪并送茶

邇英帷幄舊儒臣，肯顧荒山野水濱。不怕客嘲輕薄尹，要令我識老成人。驅回鼓轉東城莫，酒冽橙香一笑新。遙想解醒須底物，隆興第一壺源春。

送查元章赴夔州

柳色西門路，看公上馬時。亦知非久別，不奈自成悲。白髮劉賓客，青衫杜拾遺。分留端有待，剩賦竹枝詞。

道遙

臺省諸公日造朝，放慵別駕媿逍遙。州如斗大真無事，日抵年長未易消。午坐焚香常寂寂，晨興署字亦寥寥。時平更喜戈船靜，閑看城邊帶雨潮。

病中簡仲彌性唐克明蘇訓直

移疾還家暫曲肱，依然耐久北窗燈。心如澤國春歸雁，身是雲堂日過僧。細雨佩壺尋廢寺，夕陽下馬弔

荒陵小留莫厭時追逐勝社年來冷欲冰三君皆有歸志故云

送王景文

張公遂如此海內共悲辛
逆虜猶遺種皇天奪老臣
深知萬言策不愧九原人
君近書奏策風雨津亭莫辭
君淚滿巾

送呂彥升參謀

楚塞蕭條久宿師參謀承詔上丹墀
苦言到口真當發聖度如天莫自疑
萬里寄聲長不達一尊相屬豈前期
遙憐霜曉朝衣冷深愧江城睡足時

无咎郡齋燕集有詩末章見及敬次元韻

城樓畫角吹晚晴梅花墮地艸欲生
綺盤翠杓春滿眼我胡不樂君將行
君歸吾黨共增氣往往怪我衰涕橫
我來江干交舊少見君不啻河之清
北風共愛地爐暖西日同賞油窗明
微吟劇醉不知倦坐閱漢臘逾周正
君文雄麗擅一世凜凜武庫藏五兵
酸寒如我每自笑顧辱刻畫爲虛聲
乃知好士如好色遇合不必皆傾城
君方與世作水鏡如此過許人將驚
千金敝帚有定價周玉鄭鼠難強名
失言譏罰不可緩敬白府主浮金觥
君看失脚踏塵土豈復毫髮餘詩情
自傷但似路旁埃雨剝風摧供送迎

次韻无咎別後見寄

平日孟行不解辭長亭況是送君時
幾行零落僧窗字何限流傳樂府詩
歸思恰如重醞酒歡情略似欲殘棋
龍蛇飛動無由見坐塊文園屬思遲
詩來彌月乃能和答故云

晚泊慈姥磯下二首

山斷峭崖立江空翠靄生
漫多來往客不盡古今情
月碎知流急風高覺留清
兒曹笑老子不睡待潮平

慈姥磯頭月纖纖照酒盃
素秋風露重久客鬢毛催
宿鳥驚還定飛螢闌復開
平生四方志老去轉悠哉

七月十四夜觀月

不復微雲滓太清浩然風露欲三更
開簾一寄平生快萬頃空江著月明

夜宿陽山磯將曉大雨北風甚勁俄頃行三百

餘里遂抵雁翅浦

五更顛風吹急雨倒海翻江洗殘暑
白浪如山發入船家人驚怖篙師舞
此行十日苦滯留我亦蘆叢厭鳴榔
書生快意輕性命十丈蒲帆百夫舉
星馳電騶三百里坡隴聯翩翻雜平
楚船頭風浪聲愈厲助以長笛橫
鼙鼓豈惟澎湃震山嶽直恐瀕洞連
后土起看草木盡南靡水鳥號鳴集
洲渚稽首龍公謝風伯區區未禱煩
神許應知老去負壯心戲遣窮途出
豪語

望江道中

吾道非邪來曠野江濤如此去何之
起隨烏鵲初翻後宿及牛羊欲下時
風力漸添帆力健鶻聲常雜雁聲悲
晚來又入淮南路紅樹青山合有詩

秋夜讀書每以二鼓盡爲節

腐儒碌碌數無奇獨喜遺編不我欺
白髮無情侵老境青燈有味似兒時
高梧策策傳寒意疊鼓繁繁迫睡期
秋夜漸長飢作祟一盃山藥進瓊糜

懷作歌奉寄

巷南巷北秋月明東家西家讀書聲
官閑出局各無事冷落往往思同盟
出門相尋索一笑亦或邂逅因俱行
黃中掀髯語激烈韶美堅坐書縱橫
子充清言喜置酒赤梨綠柿相扶欒
寒燈耿耿地爐暖宮門風順聞疎更
故交一作霜葉散外物已付秋毫輕
兩窮相遭世果有我與鄒子俱南征
豫章高安本一郡挂帆起柁無三程
簿書衰衰不少借懷抱鬱鬱何由傾
明年君歸我亦去早卜三畝開柴荆
軟紅舊路莫重躡二升脫粟同煨燼

寄答綿州楊齊伯左司

磊落人爲磊落州，滕王閣望越王樓。欲憑夢去直虛語，賴有詩來寬旅愁。我老一官書紙尾，君行千騎試遨頭。遙知小寄平生快，春酒如川炙萬牛。

送全州趙都曹

霜葉無停聲，脂車有行色。正悲南浦秋，又送清湘客。啼飢兒，頰紅待養親，髮白努力事上官。世路日已迫，病中作。

豫章頻大江，氣候頗不令。孟冬風薄人十室，八九病外寒。客肺胃下溼，攻脚脛俗巫醫不藝，嗚呼安託命。我始屏藥，囊治疾以清靜，幻妄消六塵，虛白全一性。三日體遂輕，成此不戰勝。長年更事多，苦語君試聽。夜夢從數客，雨中載酒出遊山川，城闕極雄麗。云長安也因與客馬上分韻作詩得遊字。

有酒不謀州，能詩自勝侯。但須蠲藥日，安用地埋憂。射雉侵星出，看花秉燭遊。殘春杜陵雨，不恨溼貂裘。

去年余佐京口，過王嘉叟從張魏公督師過焉。魏公道免相嘉叟亦出守甯陽，近辱書報魏公已葬衡山，感歎不已，因用所遺杜頌亭詩韻奉寄。

阿亭擊手共徘徊，萬事寧非有數哉。黃閣相君三黜去，青雲學士一麾來。中原故老知誰在，南嶽新丘共此哀。火冷夜窗聽急雪，相思時取近書開。

自詠示客
衰髮蕭蕭老郡丞，洪州又看上元燈。羞將枉直分尋尺，寧走東西就斗升。吏進飽諸餚，紙尾客來苦勸撲。牀前歸裝漸理君，知否笑指廬山古澗藤。廬山僧近寄藤杖甚奇。

醉中歌
吾少貧賤真臞儒，食食嗜味老不除。折腰歛版日走趨，歸來聊以醉自娛。長餅巨榼羅盃盂，不須漁翁勸三閭。牛尾膏美如凝酥，貓頭輪囷欲專車。黃雀萬里

行頭顱白鵝作，昨天下無薄陽糖蟹徑尺餘。吾州之痺尤嘉蔬珍盤，短釘百味俱不但。項鵲與腹腴悠然一飽自笑，愚顧爲口腹勞形，軀投効行矣。歸園廬莫厭糲飯膏黃菹。

寄陶茂安監丞

永州太守鬚毛殘，雙鑠猶能起據鞍。微士雖思賦松菊，隱居未可挂衣冠。功名夢境元非實，歌舞山城且自寬。也勝鍾陵窮別駕，閉門無客遣憂端。

燒香

茹芝却粒世無方，隨食江湖每自傷。千里一身鳬泛，泛十年萬事海茫茫。春來鄉夢憑誰說，歸去君恩未敢忘。一寸丹心幸無愧，庭空月白夜燒香。

寒食臨川道中

百卉千花了不存，墮飛飛絮看無痕。家人自作清明節，老子來穿綠暗村。日落啼鴉隨野祭，雨餘荒蔓上頽垣。道邊醉飽休相避，作吏堪羞甚乞墦。

上巳臨川道中

二月六夜春水生，陸子初有臨川行。溪深橋斷不得渡，城近臥聞吹角聲。三月三日天氣新，臨川道中愁殺人。纖纖女手桑葉綠，漠漠客舍桐花春。平生怕路如怕虎，幽居不省遊城府。鵲軀苦瘦坐長飢，龜息無聲惟默數。如今自憐還自笑，歛版低心事年少。儒冠未恨終自誤，刀筆最驚非素料。五更軟枕一惺然，夢裏扁舟水接天。紅蕖綠芰梅山下，白塔朱樓禹廟邊。

寄別李德遠

蕭蕭風雨臨川驛，邂逅連床若有期。自起挑燈貪夜話，疾呼索飯療朝飢。曾記前日相從時事，即今明月共千里。已占深林巢一枝，惜別自嫌兒女態。夢騎羸馬度芳陂，憶遠所居名硤陂。

又

李侯不恨世賣友，陸子那須錢買山。出牧君當千里去，歸耕我判一生閑。中原亂後傷風替，黨禁興來士